



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 37. Pontificis responsum ad hanc declarationem.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Sæcul. XV.

A. C. 1439.

audiverimus, verba Dominica esse, quæ mutant, & transubstantiant panem illum in corpus Christi, & vinum in sanguinem, & quod divina verba illa Salvatoris omnem virtutem transubstantiationis habent, de necessitate ipsum Doctorem, & eandem suam sententiam sequimur. Præterea Pater beatissime, nec nos ignoramus quatuor requiri in consecratione pretiosissimi, & venerabilis Sacramenti, Primo materiam, quæ debet esse panis triticeus, aut fermentatus, aut azy-mus, quia in utroque conficitur veraciter, item quod minister sit Sacerdos, qui habeat sacerdotium ab Ecclesia secundum Canones. Item tertio formam, quæ est verba Salvatoris secundum sententiam S. Joannis præfati. Quarto beatissime Pater, intentio Sacerdotis, ut habeat intentionem consecrandi panem sibi propositum & vinum. Hæc breviter, Pater beatissime, de hac quæstione & sufficienter ad certificationem Sanctitatis vestræ & aliorum Patrum diximus, & quod semper Pater sancte fuerimus, & futuri simus in hac sententia, Sanctitatem vestram certissimam reddimus.

§. XXXVII.

Pontificis responsum ad hanc declarationem.

Pontifex, qui attenta aure hanc dogmatis expositionem perceperat, sermone ad Græcos converso paucis, sed gravibus admo-

Secul. XV.
A.C. 1439.

admodum, atque Pontificia Majestate dignis dixit: *Intelleximus, quæ per venerabilem fratrem nostrum Nicænum dicta sunt. Et quamvis in mente nostra non esset aliter, tamen gratum fuit audisse, quæ relata sunt quia ista est doctrina sancti Joannis Chrysostomi, & aliorum Sanctorum, qui præserunt, & qui secuti sunt: Et hanc doctrinam secuta est, & semper sequetur cum gratia Dei sancta Romana Ecclesia: Et gratum fuit audire; ut qui aliud existimassent, certi de vestra bona opinione.*

§. XXXVIII.

Decima ac ultima Florentinæ Synodi Sessio cum Græcis habita.

Comperta hac Græcorum declaratione unica hæc, qua ratione decretum conficeretur, sollicitudo omnium animos occupabat. Singula illius verba ad Latinam vocata, & tum a Græcis tum a Latinis severe ad trutinam examinata fuerunt, tandem secundis curis exacte emendatum, ac Græco latinoque Sermone conceptum prodiit: Ergo die lunæ sexta Junii quæ erat octava dies festi SS. Apostolorum Petri & Pauli; ultima Græcos inter & Latinos celebratæ Synodi habetur Sessio, ad quam omnes in Ecclesia Cathedrali Florentina conveniunt, atque ordine nuper Ferrariæ observato confidenter